



ЛЕЗГИ Газет

Жуван Ватан, ватанэгълияр,
дидед чIал хуьх!

1920 – йисалай акъатзава

N 25 (10774) хемис 22 – июнь, 2017 – йис WWW.LEZGIGAZET.RU

Къимет “Дагпечатдин” киоскрай - 16 манат

Къайда тун герек я

20-июндиз Дагъустандин Къил Рамазан Абдулатипова РД-дин Хатасузвили Советдин заседание тухвана. Анал веревирд авур асул-месэла республикада кардик квай шейэр кура-кура маса гудай базарин къвалахдиз талукъди тир.

КватI хъанвайбурухъ элкъвена рахай Дагъустандин Къили шейэр кура-кура маса гудай базарин къвалах законодательстводихъ галаз къадай гьалдиз гъун - им вич гъялуни карда федеральный ва республикадин органри, гъакни чкадин самоуправленидин ва гуьзчивалдай органри иштирак авун лазим тир чIехи месэла тирди къейдна.

“Чун базардин экономикадал элячIнава, амма, гъайиф хьи, шейэр кура-кура маса гудай базарин къвалах правовой нормайралди лазим тир гьалда таъминар тийиз хейлин вахт алатнава. Гьар сада вичи къвалахзавай чкада вичин хиве жавабдарвал авайди аннамишун лазим я, вучиз лагъайта ихтилал инсанрин хатасузвиликай, муштерийрин ихтияррикай физва. Карчийрикай рахайта, абуру государстводихъ галаз зегьметдин рекъай хуьдай алакъаяр дуьзгундаказ тайинарун герек я. Эгер са кас алишверишдал машгул жезватIа, адахъ карчивилин къвалах киле тухун патал лазим тир, къанунрихъ галаз къазвай вири документар аваз хъун лазим я. Алай вахтунда и къвалах гъилияй веьенва. Гъавилияй за вице-премьер Шамил Исаевал къанун-къайда хуьдай органрихъ, Роспотребнадзордин РД-да авай Управленидихъ галаз санал и карда къайда тун тапшурмишзава. Виликамаз маса мумкинвал гун тавуна, базарар агалдай ихтияр чаз авайди туш. ТIебии себеларди мукъвал тир вахтара и кар ийидай мумкинвал авачта, алишверишдин кардик квай майданрал къайдадик кваз къвалахун герек я”, - къейдна региондин Къили.

Ахпа Рамазан Абдулатипова Ростехнадзордин РД-да авай Управленидал ва республикадин МЧС-дал базарар цIаяр къуникай хуьн авай гьалдиз къетIен фикир гун тапшурмишна.

“ЦIай хкадардай махсус техника агакъардай рекъер тайинарнавай къайдайрихъ галаз къадай гьалда авач. Базарра жуьреба-жуьре, къадардилай лап гзаф контейнер эцигнава. И кар себел яз, цIай къур дуьшуьш хъайитIа, инсанар саламат чкадиз акъудун четин акъваззава. И месэлайриз къетIен фикир гун лазим я. Идалай гъейри, акатайвал кардик кутунвай базарриз талукъ месэладайни къил акъудун герек я”, - къейдна Дагъустандин Къили.

Идахъ галаз сад хъиз, республикадин руководителди налогрин къуллугъдин ве-

килриз, карчивилин къвалахдал машгул жез, учетда акъваз тавунвай ксар дуьздал акъудунин ва абур учетда эцигунин месэлайрал мадни активдаказ машгул хъуниз эвер гана.

“Са паюнилай гзаф карчийр налогрин органра регистрация авунвач. За, дагъустанвийрихъ элкъвена, лугъузва: са низ ятIани, раиж тийизвай взносар гайи къван бес я, кIанин къадардин налог це ва секин-даказ къвалах ая. Ирчи Казакан куьчеда авай базарди цIай къурдалай гуьгъуьниз карчийр куьмек кIанз республикадин Къилин ва Махачкъаладин мэрдин патав атана. Гъа са вахтунда абурув государстводихъ галаз, законодательстводи истемеш-завайвал, алакъаяр хуьзвайди тестикъарзавай документар гвачир. Гьелбетда, чна халкъдин итижар хвена, амма ихътин дуьшуьшда куьмек гун патал чахъ акъван еке мумкинвилер жезвайди туш”, - малумарна региондин руководителди.

Асул доклад авур РД-дин Гъукматдин вице-премьер Шамил Исаева хабар гайивал, алай вахтунда республикада шейэр кура-кура маса гудай 36 базар кардик ква. Гъа гьисабдай Махачкъалада - 11, Хасавюртда - 12, Дербентда - 4, Буйнаксда, Къизлярда - гьар сана 2 базар, Избербашда, Каспийскда, Къизилюртда, Дербент ва Гергебиль районра - гьар сана 1 базар кардик ква. Анра 12,5 агъзур касдилаи виниз карчийри къвалахзава.

2016-йисуз ведомствойрин уртах комиссияди Дагъустандин базарра алишверишдин къвалах къайдадик кутунин рекъай серенжерин 32 план (“рекин картаяр”) туькIурна ва тестикъарна. Серенжерин планрик 1529 пункт квай. Йисан эхирдалди абурукай 970 пункт къилиз акъудна, ида 63 процент тешкилзава.

Докладчидин гафаралди, “Рекин картаяр” къилиз акъудунин процент агъузди хъун шейэр кура-кура маса гудай базарин къвалах къайдадик кутунив анжах 2016-йисуз эгечлунихъ галаз алакъалу я. Гъа са вахтунда базарар кардик хъунин барадай тайинарнавай нормайрал амал авун, абур тешкилдай ихтияр гун чпин векилвилерик акатзавай муниципальный властри ва идара ийидай компанийри а серенжемар къилиз акъудунин къвалах тухванач.

Шамил Исаева Махачкъаладин жуьреба-жуьре шейэр маса гудай 2-нумрадин базардиз финин нетижайрал асаслу яз Дагъустандин Къилин тапшургуьр къилиз акъудзавай гьалдин патахъайни гъахъ-гъисаб авуна.

► 2



Райондин активдихъ галаз гуьруьш

Алатай гъафтеда Къиблепатан территориальный округда РД-дин Къилин патай тамм ихтиярар ганвай векил Энрик Муслимов Меьгарамдуьруьн райондин активдихъ галаз гуьруьшмиш хъана, - хабар гана Меьгарамдуьруьн райондин администрациядин пресс-къуллугъди. И мярекятда райондин жавабдар руководителри, хуьрерин къилери, райондин Собранидин депутатри, къенепатан крарин органрин къуллугъчийри, общественный диндин, жегьилрин тешкилатрин векилри иштиракна.

Мярекат ачухай Меьгарамдуьруьн райондин къил Фарид АГЪМЕДОВА мугъман тебрикан ва районда эхиримжи йисара экономикадин, яшайишдин рекъай вилик фин патал кардик кутур проектрикай, хуьруьн майишатда, спортда къазанмишнавай агалкъунрикай куьруьдаказ ихтилатна.

Ахпа Ф.Агъмедова гаф Энрик МУСЛИМОВАЗ гана. КватI хъанвайбуруз ада вичин къуллугъдин везифайрикай, къилиз акъудна кIанзавай крарикай лагъана. Ада Къиблепатан Дагъустанда киле физвай мярекятрикай СМИ-рай агълияр хабардар авунин важиблувални къейдна.

Э.Муслимова “Экономика экъу авунин” проектдин сергъятра аваз гъевчи карчивал вилик тухунин месэлаяр веревирдна, гъа гьисабдай яз Самурдин водоводдин ва “хъендик квай экономика” дуьздал акъудунин месэлаярни. Идалай гъейри, ам алай вахтунда Къиблепатан Дагъустанда туризм

вилек тухунин ва федеральный рекъер, абурун къерехар къайдадик кваз хуьнин месэлайрални акъвазна. Адан гафаралди, туризмдин рекъай Избербаш шеьгерда тешкилдай центради и жел вилик тухуниз куьмекда.

Гуьруьшдал райондин Общественный палатадин председател Агъадаш НАГЪ-МЕТУЛЛАЕВ, РД-дин ФОМС-дин Меьгарамдуьруь авай филиалдин директор Юнус БАЛАБЕГОВ рахана. Абуру чеб важиблу месэлаяр гъялуни карда Э.Муслимова райондиз куьмекар гудайдахъ инанмиш тирди малумарна.

А.Нагъметуллаева мугъмандин фикирдиз налогриз талукъ месэла гъана. РФ-дин ФСБ-дин Меьгарамдуьруь авай пограничникри къуллугъри налогар райондин бюджетдиз ракурзавач. И месэладал кIукI гъун патал А.Нагъметуллаева полпреддивай куьмек тIалабна. Ада налогар кIватIунин месэла районда къетIен гуьзчивилик къайдини къейдна.

Мярекатдал районда медицинадин рекъай ерилу шартIар тешкилуни месэла кIарагъарна. Къилди къачуртIа, райондиз алай аямдин истемешунриз жаваб гудайвал тадаракламишнавай поликлиника чарасуз герек тирдакIа лагъана.

Эхирдай Энрик Муслимова республика вилик тухунин мураддалди кар алай проектар уьмуьрдиз куьчуьрмишна кIанзавайди къейдна.

Ф.Агъмедова мугъмандиз сагърай лагъана ва ихътин гуьруьшри вилик эцигзавай везифаяр къилиз акъудунин карда куьмек гудайди малумарна.



САГЪЛАМВАЛ

Экономикадин кризисдизни килиг тавуна, бязи месэлаяр гьалдай мумкинвилер хъана. Вилик эцигнавай вири месэлаяр гъялун патал пеше бес къадарда хъсандиз чидай кадрияр, медицинадин идарайриз алай аямдин инфраструктура хъун чарасуз я.

► 7



СПОРТ

Спортсменрихъ элкъвена, райондин къили еке дережайриз акъатнавай абурулай акъалтзавай несилди чешне къачузвайди ва гъавилияй инлай къулхуьни абуру жегьилриз лайихлу герек къалурун лазим тирди къейдна.

► 12

Виликди финин рекьер тайинарна

Надият ВЕЛИЕВА

И йикъара Махачкъала шегьердин Дуствилин квалле “Дагъустандин здравоохранение: гъакъикъат ва вилик тухунин стратегия” темадай форум кыле фена. Адан квалахда улькведин гзаф чкайрай атанвай духтурри, эксперттри, алмирри, фармацевтри иштиракна. Анал здравоохранение ва медицина авай галдикай рахана ва гележегда ам вилик тухунин месэляяр гъялна. Форумдин иштиракчийри региондин здравоохранение вилик тухуникайни, медицинадин идараяр кадррийралди, виниз тир технологийралди таъминаруникайни лагъана. Ихътин мярекат Дагъустанда сад лагъай сеферда кыле тухузва.

СИФТЕ гаф рахай Дагъустан Республикадин Кыл Рамзан АБДУЛАТИПОВА форумдин иштиракчийр ва мугъманар тебрикна. Ада кьейдна хьи, Россиядин Конституцияда виридалайни кыметлуди инсандин умумур тирди лугъузва, гъаниз килигна сагламвал хуьн патал зегъмет члугъузвай инсанри лап важиблу квалах ийизва. Умудлу я, кьенин форум вини дережадин духтурар, медсестраяр, гележегдин медикар гъазузавай профессоринни преподавателрин сообщество гуьрушмиш жедай виридалайни хъсан кьайда я, - лагъана Р.Абдулатипова.

- Медицинадикай рахадайла, сифтени-сифте чна фикирдиз духтурар кьезева, амма медсестрайрин, санитаркайрин ролни гъевчиди туш. Абурутукрайалди азарлугурун патав жезва. Азар неинки дарманралди ва виниз тир технологийралди сагъарзава, гъак! медроботникрин пешекарвилди, регъимлувилелди, жавабдарвилелди эгечлунини еке роль кьугъвазва.

Эхиримжи кьуд йисуз здравоохраненида хъсан патяхъ хъанвай дегишвилер себеб яз, Дагъустандин медикривай виниз тир технологийрин кумекдин кьадар артухариз алакьна.

2012-йисуз чи республикада виниз тир технологийралди са операцияни ийизвайди тушир. Алай йисан итогрин нетижада абурун кьадар пуд агъзурдалай виниз алатнава. Россиядин здравоохраненидин кумек себеб яз Дагъустанда аялар кьиникьин душубушрин кьадар агъуз аватнава. И кардай аз РФ-дин здравоохраненидин министр Вероника Скворцовадиз чухсагъул лугъуз кланзава.

Медицинадин вири хилерай таъмин хунал гъалтайла, Дагъустан са региондилайни агъада авач, - кьейдна Республикадин Кыли.

Россиядин Федерациядин Президент В.В. Путина государстводин кылин месэлайрикай сад халкъдин саламатвал я лагъана. Халкъдин саламатвал гъар са касдилай башламыш жезва, медроботникрини и жигъетдай квалахзава, - алава хъувуна эхирдай Р.Абдулатипова.

Гуьгъуьнлай мониторингдин, пешекарвилдин медицинадин кылдин жуьреяр вилик тухудай отделдин начальник Марина КОЧНЕВАДИ РФ-дин здравоохраненидин министр Вероника Скворцовадин тиварунихъай тебрикдин чар клелна.

“Гуьрметлу юлдашар! РФ-дин здравоохраненидин министрстводин, гъакни жуван патай за форумдин иштиракчийр ва мугъманар тебрикзава. Заз Дагъустандин вири медикриз медицинада къазанмишнавай агалкъунрай чухсагъул лугъуз кланзава. Эхиримжи йисара медицинадин идарайрин материально-тех-

нический база мягъкемарнава, цийи больницаяр, поликлиникаяр эцигнава, медицинадин кумекдин ери хъсанарнава. Ибур вири куь виниз тир пешекарвилелай, пешедиз вафалу хъунилай аслу яз хъанва. Умудлу я, форумдал региондин здравоохраненидин важиблу месэляяр гъялун метлеблу кар жеда”, - кьейднава тебрикдин чарче.

РД-дин здравоохраненидин министр Танка ИБРАГЪИМОВА республикадин медицинадин кар алай хилерай лагъана. Сад лагъайди, медицинадин кумекдин ери хъсанарун, иллаки четиндиз физ жедай районрин агъалияр патал, аялар кьиникьин душубушар тлимиларун, алай аямдин дережадин духтуррин кадрияр гъазурун, медицинадин идарайрин материально-технический база мягъкемарун, кьезилвилер авай граждана дарманралди таъминарун. Алай вахтунда республикада 164 кас лап кьиви орфенный азар - редкое генетическое заболевание) квай инсанар ава. Абуруз лап багъа дарманар чарасуз я. Министрдин гафаралди, а дарманар кьачун патал 540 млн манат пул герек жезва. Алай вахтунда чи улькведа авай экономикадин кризисдизни килиг тавуна, бязи месэляяр гъялдай мумкинвилер хъана. Вилик эцигнавай вири месэляяр гъялун патал пеше бес кьадарда хъсандиз чидай кадрияр, медицинадин идарайриз алай аямдин инфраструктура хуьн чарасуз я. Республикада медицинадин рекъяй ери аваз кумек гун патал хъсандиз квалахзавай пуд дережадин кьурулуш тешкилнава. И карди медицинадин вири идарайрин квалах гужлу ийизва. Гъар йисуз республикадин клиникайрин пешекаррин бригадаяр районрин больницайриз физва, анра азарлуяр ахтармишзава, сагъар хъувун патал кьаткурзава. Эхиримжи кьуд йисуз Дагъустанда здравоохраненидин 74 объект ишлемишиз вахканва. Махачкъала шегьерда 150 койкадин чкаяр авай республикадин перинатальный центр ачуун еке метлебдин кар я, - лагъана Танка Ибрагъимова.

РД-дин здравоохраненидин руководстводин гафаралди, вири медроботникрин пешекарвал хъажун ведомстводи артух фикир гана кланзавай квалах я.

“Чна чи медикар Дагъустандилай кьезепатаз стажировкадиз ва клелиз рекъе твазва. Клелун куьтягъ хъайидалай гуьгъуьниз абуру медицинадин идарайра мягъкемдиз ишлемишна кланзавай квалахрин гъахъ-гъисаб гузва. Кадрияр бес тахъунин карда кимвилер арадай акъудун патал чна “Земский доктор” программадикай менфят кьачузва. Чи пешекарри хуьруьн чкайра активдаказ квалахзава. И программадин тереф чна гележегдани хуьда”, - алава хъувуна министрди.

Министрдин рахунриз баянар гуналди, Рамзан Абдулатипова республикадин гьукуматдивай азарлуьриз суткада кьилий-кьилиз куьмекдай гъевчи медперсоналдин мажибар хъажуниз фикир гун тлалабна.

Россиядин травматологиядин ва ортопедиядин Р.Р.Вредина тиварунихъ галай НИИ-дин директор Рашид ТИХИЛОВА кадрияр тахъунин месэладикай лагъана, травматологиядин ва ортопедиядин рекъяй ахтармишзавай начагъвилер гзаф заланбур тирди кьейдна.

- Алай вахтунда и терефдай студентри 2 йисуз клелзава. Им, гъелбетда, лап тлимил я. Кьенин юкьуз минздравда травматологиядай студентри кьуд йисуз клелунин месэла гъялзава. Чи азарлуяр, республикадилай кьезез тефена, чкадал сагъарун духтуррин пешекарвилелай аслу я, - лагъана Тихилова.

Форумдал РД-дин 2-нумрадин больницадин - ЦСМП-дин (центр специализированной медицинской помощи) хирургиядин отделенидин заведующий, Вирироссиядин “Йисан лап хъсан духтур” конкурсдин гъалибчи, хирургиядин кьурулушдин тешкилатчи Мегъамед Абдулжалиловни рахана. Республикадин хирургияда гъялиз тахъанвай месэляяр авачиз туш. Абурутукъалун патал виридалайни регъят кьайда, финансар истемиш тавуна, квалах хъсандиз тешкилуьн я. Кьенин юкьуз Россиядин хирургрин обществодин Дагъустандин региондин отделение кьенкьиве ава.

- Чавай Вирироссиядин “Йисан лап хъсан духтур” конкурсда гъалибвал кьачуз жедачир, эгер РД-дин здравоохраненидин министр Танка Ибрагъимова, Дагъустандин Кыл Р.Абдулатипова кумек ганачиртла, - лагъана Абдулжалилова.

Вичин идарадин квалахдикай Дагъустандин онкопациентрин региональный отделенидин ассоциациядин кыле авай Хадиджат ДАВУДОВАДИ ик! лагъана:

“Чи идара алай йисан сифте кылерай радик (онкологиядик) начагъбур и азардихъ галаз женг члугунин карда сад авун патал кардик кутунва. Чун кьезевай азарлуяр чеб Дагъустанда сагъарун патал рекъив гъиз ва чи духтурриз ихтибар тавунин фикирар дегишариз алахъзава. Кьейд ийиз кланзава, аялрин онкологиядин отделенидин ва онкодиспансердин пешекарар чпин квалах дериндай чидайбур я. Абурутукъалун патал региондин духтуррилай са клусни агъада авач. Ракдин диагностихъай киче тахъана, вахтунда сагъарунин серенжемар кьабулун лажим я”.

Мярекатдал Къизляр райондин Кардановка хуьруьн ФАП-дин заведующий Екатерина ЗАСКАЛЬКА, Москва шегьердин аялрин клиникадин больницадин кылин духтур Исмаил ОСМАНОВ, РД-дин Халкъдин Собранидин здравоохраненидин ва социалитикадин рекъяй Комитетдин председател Висампаша ХНАЛИЕВ, Къизилюрт райондин кыл Мегъамед УЦУМИЕВ ва масабур рахана.

Форумдал медицинадин хиле тафаватлу хъайи пешекаррин шад галара наградаяр вахкана. Дагъустандин здравоохранение вилик тухунай РФ-дин здравоохраненидин министр Вероника СКВОРЦОВА, РД-дин здравоохраненидин министр Танка ИБРАГЪИМОВ, Каспийскдин центральный больницадин функциональный диагностикадин духтур Азиз БАГАНДОВ “РД-дин вилик лайихлувилерай” ордендиз лайихлу хъана. “Дагъустан Республика социально-экономикадин рекъяй вилик тухунай” медаль “Медпрофцентрадин” кылин духтур Али АЛИЕВАЗ гана.

Форумдин квалахда РД-дин Халкъдин Собранидин Председатель Хизри ШИХСАИДОВА, Дагъустандин Гьукуматдин Председатель Абдусамад ГЪАМИДОВА, РД-дин Кылин ва Гьукуматдин администрациядин руководител Исмаил ЭФЕНДИЕВА, министррин кабинетдин членри, республикадин шегьерин ва районрин кылерри, клуд вишелей виниз медицинадин идарайрин векилри иштиракна.

Перерывдин вахтунда форумдин иштиракчийр Расул Гъамзатован библиотекада тешкилнавай “Медицина ва сагламвал” выставкадихъ галаз таниш хъана.

Къвед лагъай юкьуз мугъманар къадим Дербентдин медицинадин идарайриз килигиз фена, абурутукъалун Нарын-кьеледиз экскурсияни тешкилна.





Россиядин чемпионатда - 14 медаль

АЗАДДАКАЗ КЪУРШАХАР КЪУН

ЧИ КОРР.

Алатай гьафтеда Ингушетиядин Назрань шегьерда, "Магас" тивар алай Спортдин дворецда азаддаказ къуршахар къунай киле феи Россиядин 25 лагъай чемпионатда Дагъустандин хянавай командади 14 медаль (абурукай къизилдинбур - 4, гимидинбур - 6, бурьунждинбур - 4) къазанмишна. Къве юкъуз давам хъайи ва гзаф къизгъиндаказ киле феи акъажунра Россиядин чемпионвилдин тивариз Заур Угев (57 кг), Гъажимурад Рашидов (61 кг), Мегъамедгъаиб Кадимегъамедов (70 кг), Абдулрашид Садулаев (97 кг) лайхлу хъана.



Лугъун лазим я хьи, Ингушетияда азаддаказ къуршахар къунай Россиядин чемпионат сад лагъай сефер яз, и республикадин 25 лагъай чемпионат Ингушетиядин 25 йис тамам хъунин юбилейдин сергъятра аваз киле тухванвай. Акъажунра Россиядин 40-далай виниз регионрай тир 300-дав агакна спортсменри чпин устадвал къалурна, бягсериз тамашиз атанвай ксарин къадар-

ни гзаф тир. 86 ва 37 кг-дин заланвилдин категориярай иштиракзавай спортсменрин къадар иллаки гзаф тир, гъаниз килигна а категориярай бягсерни къизгъиндаказ киле фена. Акъажунрин къвед лагъай юкъуз чи ватандаш, азаддаказ къуршахар къунай гзаф турниррин, гъа гьисабдай яз Ярыгина Гран-Придин гъалибчи, Европадин чемпион Даурен Куругълиевани (86 кг) вичин алакьунар къалурун чна вилив хуъзвай, амма акъажунрин 8 паюникай сад лагъай пай патал бягсера ам дагъустанви А.Мусалалиеваз кумукъна.

Россиядин чемпионатда Олимпиададин чемпион Абдулрашид Садулаевани иштиракна. Спортдин виридалайни килин къугъунрилай гугъуъиз ам сад лагъай сефер яз гъасиррал эхъеччи хъувунвай, вични заланвилдин цийи категориядай: 86 кг гила ада 97 кг-далди эвезнава. Нетижайри къалурайвал, и категориядал элячлуналди, ам ягълмиш хъанач. И чемпионатда ада, вири санлай, 43:0 гьисабдалди гъалибвал къазанмишна. Финалда ада вичин къуватар къве сеферда Европадин чемпионатрин призёр Владислав Байцаевахъ галаз ахтармишун лазим тир. (В.Байцаев лагъайта, 97 кг-дин заланвилдин категориядиз "эвичнава". Икъван чвалди ада гзаф заланвал авай спортсменрин арада къуватар ахтармишзавай). Россиядин чемпионвилдин тивар къа-

занмишун патал бягс В.Байцаева 4:1 гьисабдалди тухузвай, амма А.Садулаева гъалибвал вичин гъляй акъатуниз рехъ ганач, нетижада бягс 8:7 гьисабдалди акъалтна.

Къейд авун лазим я хьи, Россиядин чемпионатда квенквечи чкаяр къур спортсменри алай йисан августдиз Францияда киле фидай дуьньядин чемпионатда чпин устадвал къалурда.

Эскендаран агалкъун

ДЗЮДО

Лена САИДОВА

Къизилюрт шегьерда 2000-2003 -йисара дидедиз хъайи гадайрин ва рушарин арада дзюдодай Дагъустан Республикадин квенквечивал патал акъажунар киле фена. Майдандиз республикадин шегьеррайни районрай атанвай 500-далай виниз спортсменар экъечна. Абурун арада бажарагълу тренер, дуьньядин чемпион Рамазан Къурбанован гъилик вердишвилер къачузвай 6 спортсменни авай. Абурукай Эскендар Ибрагъимова 81 килограммдин заланвилей 3-чка къуна. Ам бурьунждин медалдиз, РД-дин физический культурадин ва

спортдин министерстводин, дзюдодай республикадин Федерациядин грамотайриз лайихлу хъана.

Турнирдин амай призеррихъ галаз санал Э.Ибрагъимова алай йисан сентябрдин вацра Налчик шегьерда киле фидай Россиядин Къиблепатан зонадин акъажунра иштиракда.

Алава хъийиз кланзава хьи, Эскендар Къасумхуьрел кардик квай 3-нумрадин ДЮСШ-да дзюдодални самбодал машгъл жез 5 йис я. И йисара ада Къасумхуьрел, Дербентда, Мегъарамдхуьре киле тухвай Дагъустандин Къиблепатан зонадин акъажунра са шумудра приздин чкаяр къуна.

Алатай йисуз школьникрин арада РД-дин квенквечивал патал тухвай акъажунрани Эскендара 2-чка къунай.

Шад гьалара къабулна

Мегъарамдхуьруьн райондин сайтда хабар ганвайвал, алай йисан 16-июндиз райондин администрацияда спортсменар тир Даурен Куругълиев, Икрам Алискеров, Гъажидад Гъасанов, Мурадхан Зингаров шад гьалара къабулна. Абурув шабагъар вахкуниз талукъарнавай мярекат райондин кыл Фарид Агъмедова ачухна ва килени тухвана. Ана райондин жавабдар къуллугъчийри, МР-дин депутатрин Собранидин председателди, райондин спортдин отделдин директорди, тренерри, журналистри ва маса ксари иштиракна.

единоборстойрай международный кесерлу турнирдин гъалибчи Гъажидад Гъасанов ва Белград шегьерда азаддаказ къуршахар къунай 16 йисал къведадди яшара авай жаванрин арада Европадин квенквечивал патал акъажунра гъалиб хъайи Мурадхан Зингаровавни вахкана.

Райондин кили спортсменрихъ Олимпиададин къугъунрани агалкъунар хъана кланвилдин келимаяр лагъана. КватI хъанвай спортсменрихъ элкъвена ада еке дережайриз акъатнавай абурулай акъалтзавай несилди чешне къачузвайди ва гъавилей инлай



Мярекат ачухдай вахтунда Фарид Агъмедова виклеъ ва сагълам несил чехи авун ва тербияламишун, спортсменриз алакьдай вири жуьрейрин куьмекар гун, физический культура ва спорт вилик тухунал гъалтайла вири серенжемрин ва теклифрин тереф хуьн райондин киле авай ксари эвелимжи нубатда фикир гана кланзавай месэлаяр тирди къейдна.

Спорт вилик тухуник чехи пай кутунай ва къетен лайихлувилерай гъурметдин грамотаяр ва пулдин премияр Фарид Агъмедова азаддаказ къуршахар къунай Европадин чемпион Даурен Куругълиевав ва какахъай бягсерай 2013 ва 2014-йисара дуьньядин Кубокдин сагъиб, Европадин ва дуьньядин чемпион, кесерлу гзаф турнирра гъалибвал къазанмишнавай Икрам Алискеровав вахкана.

Спорт вилик тухуник чехи пай кутунай ва къетен лайихлувилерай Фарид Загъидиновича райондин килин патай чухсагъл малумарнавай Чар ва пулдин премия какахъай

къулухъни абуру жегъилриз лайихлу чешне къалурун лазим тирди къейдна. Фарид Загъидиновича абуруз вири дережайра вичин тлем акакъдай куьмекар гудайди хиве къуна, килинди, спортдивай къерех тахуьн, анжах виликди фин лазим тирди къейдна. Мярекатдал кватI хъанвайбуру спортсменар тебрикан, абурун тиварарихъ хуш келимаяр лагъана.

Шад гьалара къубулай спортсменри чпин нубатдай райондин киле авай ксариз чухсагъл лагъана. Килди къачуртIа, тренер Эльдар Гъасанова спортсменриз куьмекар гунай Фарид Агъмедоваз чухсагъл малумарна, алай девирда куьмек галачиз спортдин къакъан куклушар муьтлюьгъариз хуьн мумкин туширди къейдна.

Гугъуьнлай мярекат Ф.Агъмедован кабинетда давам хъхъана, спортсменрин гъевес хкажзавай шадвилерикайни чехи спортдин четин месэлайрикай, чпин тежрибадикай, гележегдин планрикай суьгъбетарна.

Сардархуьре - турнир

ДЗЮДО

Хазран КЪАСУМОВ

Мукъвара Сулейман-Стальский райондин Сардархуьре, Ватандин Чехи дяведин иштиракчи Азим Алимован экуь къаматдиз бахшна, дзюдодай республикадин IV турнир киле фена. Гъурметлу мугъманар яз Россиядин Федерациядин лайихлу тренер Жабраил Мегъамедова, дзюдодай дуьньядин чемпион Рустам Гъамзатова ва маса машгълур ксари иштиракдай турнирдиз Махачкъаладай, Къизилюртдай, Буйнакъскай, Дербентдай ва маса шегьеррайни районрай тир 2001-2003-йисара дидедиз хъанвай 180 спортсмен атанвай. Абуру заланвилдин 9 категориядай бягсер тухвана. Къизгъиндаказ киле феи акъажунра 1-чка Сулейман-Стальский райондин, 2-чка Махачкъала ва 3-чкани Къизилюрт шегьерин командайри къуна.

Райондин спортсменрикай турнирда 1-чкаяр Насир Халилова (35 кг), Анзор Рагъманова (45 кг), Артем Селимова (50 кг) ва Маил Шерифова (55 кг) къуна.

Турнирда 1, 2 ва 3-чкаяр къур спортсменриз, талукъ тирвал, 5000, 3000 ва 1000 манатдин къадарда аваз пулдин призар, медалар ва дипломар гана.



Жаван спортсменар багъа мугъманрихъ галаз

Чин гъазурайди - Рагнеда РАМАЛДАНОВА

понеделник, 26 июня

РГВК
07.00 Время новостей. Итоги
07.50 Передача на лезгинском языке «Вахтар ва инсанар»
08.30 Мультфильм 0+

ПЕРВЫЙ
5.00 Доброе утро.
9.00 Новости.
9.10 Контрольная закупка.

РОССИЯ 1
08.10, 08.35-08.41, 11.40, 14.40, 17.20 Вести-Дагестан.
17.40 Горячий поднос.

НТВ
5.00 Т/с "Вернуть на доследование".
6.00 Сегодня.

ДОМАШНИЙ
6.30 Джейми у себя дома. (16+).

ТВ-ЦЕНТР
6.00 Настроение.
8.10 Х/ф "Наш общий друг".

ЗВЕЗДА
6.00 Х/ф "Петровка, 38".
8.00, 9.15, 10.05 Т/с "Александровский сад", 1-4 с.

вторник, 27 июня

РГВК
07.00 Время новостей Дагестана
07.15 Передача на табасаранском языке «Мил»

ПЕРВЫЙ
5.00 Доброе утро.
9.00 Новости.
9.10 Контрольная закупка.

РОССИЯ 1
08.10, 08.41 Вести-Даг.
09.00 «Маданият».

НТВ
5.00 Т/с "Вернуть на доследование".
6.00 Сегодня.

ДОМАШНИЙ
6.30 Джейми у себя дома. (16+).

ТВ-ЦЕНТР
6.00 Настроение.
8.05 Доктор И...

ЗВЕЗДА
9.00 Новости дня.
10.00 Военные новости.

среда, 28 июня

РГВК
07.00 Время новостей Дагестана
07.10 Передача на лакском языке «Аьрши ва агьлу»

ПЕРВЫЙ
5.00 Доброе утро.
9.00 Новости.
9.10 Контрольная закупка.

РОССИЯ 1
08.35-08.41 Вести-Дагестан
09.00 «Шалбуздаг»

НТВ
5.00 Т/с "Вернуть на доследование".
6.00 Сегодня.

ДОМАШНИЙ
6.30 Джейми у себя дома. (16+).

ТВ-ЦЕНТР
6.00 Настроение.
8.00 Доктор И...

ЗВЕЗДА
9.00 Новости дня.
9.15, 10.05, 12.25, 13.15 Т/с "Александровский сад", 1-4 с.

четверг, 29 июня

РГВК
07.15 «Адамти ва замана»
08.00 Мультфильм 0+

ПЕРВЫЙ
5.00 Доброе утро.
9.00 Новости.
9.10 Контрольная закупка.

РОССИЯ 1
08.35-08.41 Вести-Дагестан
09.00 «Алшан»

НТВ
5.00 Т/с "Вернуть на доследование".
6.00 Сегодня.

ДОМАШНИЙ
6.30 Джейми у себя дома. (16+).

ТВ-ЦЕНТР
6.00 Настроение.
8.05 Доктор И...

ЗВЕЗДА
5.15 Х/ф "Чужая родня".
7.15, 9.15, 10.05, Т/с "Охота на Берии", 1-4 с.

пятица, 30 июня. Table with columns: РГВК, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР, ЗВЕЗДА. Rows list programs with times and titles.

суббота, 1 июля. Table with columns: РГВК, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР, ЗВЕЗДА. Rows list programs with times and titles.

воскресенье, 2 июля. Table with columns: РГВК, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР, ЗВЕЗДА. Rows list programs with times and titles.

МАТЧ ТВ С 26 ИЮНЯ ПО 2 ИЮЛЯ. Table with columns: ПОНЕДЕЛЬНИК, ВТОРНИК, СРЕДА, ЧЕТВЕРГ, ПЯТНИЦА, СУББОТА, ВОСКРЕСЕНЬЕ, РАДИО. Rows list sports and radio programs.

Программа газурайди - Н. РАШИДОВА

